



## საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

### ანყურელი დავით მერაბის ძე



დ. ანყურელი

ანყურელი (გამყრელიძე) დავით მერაბის ძე (1863, სოფ. ანყური, ახლანდ. ახმეტის მუნიციპალიტეტი – 9. IV. 1928, თბილისი), მსახიობი.

დაამთავრა თბილ. სამასწავლებლო სასწავლებელი. პარალელურად მონაწილეობდა შინაურ წარმოდგენებში. პროფ. სასცენო მოღვაწეობა დაიწყო 1883 თბილ. მუდმივ ქართ. დრამ. დასში. იყო ვ. აბაშიძის სკოლის მსახიობი. სხვადასხვა დროს მუშაობდა ქუთ., თელავისა და ბაქოს ქართ. თეატრებში. თამაშობდა უპირატესად კომედიურ და სახასიათო როლებს. გამოირჩეოდა გარდასახვის ნიჭით, უშუალოდ, ტემპერამენტით, მშვენიერი გარეგნობით, ხმის ლამაზი ტემბრით. ა-ის მიერ განსახიერებული როლები

აკოფა, პეტუა, გიჟუა (ა. ცაგარლის „ხანუმა“, „ციმბირელი“, „რაც გინახავს, ველარ ნახავ“), ბესო (ა. სუმბათაშვილ-იუჟინის „ლალატი), გიჟ-მოზე, კაკული, ისაია, (გ. სუნდუკიანის „დაქცეული ოჯახი“, „პეპო“, „ხათაბალა“), შმაგა (ა. ოსტროვსკის „უდანაშაულო დამნაშავენი“), რეპეტილოვი (ა. გრიბოედოვის „ვაი ჭკუისაგან“), მასხარა (უ. შექსპირის „მეფე ლირი“) და სხვ. აქტიორული ოსტატობის ნიმუშებია.

ა. აქტიურ მონაწილეობას იღებდა თბილ. და საქართვე. სხვა ქ-ების სახ. თეატრების მოღვაწეობაში. დაწერა, გადმოაკეთა და თარგმნა 15-მდე პიესა.

ლიტ.: ბ უ ხ ნ ი კ ა შ ვ ი ლ ი გ., თეატრალური პორტრეტები, თბ., 1958.

**შ. ცუცქერიძე**

---